

[PLG/RMBV]

Na sala de comisións “Concepción Arenal”, do pazo Parlamento de Galicia reúnese a **Comisión 2ª, Ordenación Territorial, Obras Públicas, Medio Ambiente e Servizos**, o día **7 de xuño de 2024, ás 10:31 horas**, logo da convocatoria remitida para o efecto.

Asisten as persoas que se relacionan a seguir:

**Mesa:**

Carmen María Pomar Tojo (Presidenta)

José Luis Ferro Iglesias (Vicepresidente)

Rosana Pérez Fernández (en substitución de Paulo Ríos Santomé) (Secretaria en funcións)

**Vogais:**

**Grupo Parlamentario Popular de Galicia (P):**

Cristina Campero Dorado

María Deza Martínez

Julio García Comesaña

(en substitución de María Dolores Hermelo Piñeiro)

Rubén Lorenzo Gómez

Argimiro Marnotes Fernández

Roberto Rodríguez Martínez

Gonzalo Trenor López

**Grupo Parlamentario do Bloque Nacionalista Galego (BNG):**

Xosé Luís Bará Torres

Alexandra Fernández Gómez

Montserrat Valcárcel Armesto

Sonia Vidal Lamas

**Grupo Parlamentario dos Socialistas de Galicia (S):**

Paloma Castro Rey

Carlos López Font

**Outros asistentes intervenientes:**

María Cristina Fernández Davila (preguntante)

Patricia Iglesias Rey (preguntante)

José Daniel Pérez López (propoñente)

**Comparecentes:**

Directora Xeral de Urbanismo

Secretario Xeral de Vivenda e Urbanismo

Director Xeral de Calidade Ambiental e Sostibilidade

Directora Xeral de Enerxías Renovables e Cambio climático

**Letrada:**

Purificación López Gómez

[PLG/RMBV]

A presidenta abre a sesión e rógalle á secretaria en funcións que lle dea lectura á relación de membros titulares da Comisión para os efectos de comprobar a existencia de quórum de constitución. Logo da constatación deste, éntrase no desenvolvemento da orde do día obxecto desta sesión.

A estes efectos, a presidenta comunica a xustificación de inasistencia á Comisión o día de hoxe de Armando Ojea Bouzo (M).

Asemade dá conta da entrada no Rexistro do documento número 5192, no que a Xunta de Galicia solicita o aprazamento da pregunta núm. 3188 (1.3), aprazamento que se acepta por asentimento.

- 1.3            3188 (12/POC-000489)  
                 Grupo Parlamentario dos Socialistas de Galicia  
                 Iglesias Rey, Patricia e 2 máis  
                 Sobre as previsións que ten a Xunta de Galicia ante a demanda da instalación dunha  
                 pasarela peonil provisional durante as obras contratadas por Augas de Galicia para  
                 a reforma da ponte da Milagrosa, en Carballo  
                 *Publicación da iniciativa, BOPG n.º 25f2, do 16.05.2024*

Aprazada a petición da Xunta de Galicia (documento número 5192)

A seguir, entrase no desenvolvemento da orde do día

### **Punto 1.    Preguntas**

- 1.1            649 (12/POC-000048)  
                 Grupo Parlamentario do Bloque Nacionalista Galego  
                 Fernández Davila, María Cristina e 2 máis  
                 Sobre as inundacións que sofren na súa propiedade dúas persoas de Arbo derivadas  
                 das obras dunha estrada que cofinancian o Concello e a Xunta de Galicia  
                 *Publicación da iniciativa, BOPG n.º 11f1, do 15.04.2024*

A Presidencia concédelle a palabra á Sra. Fernández Davila (BNG), que procede á formulación concreta das cuestións que figuran na iniciativa.

Para a súa resposta intervén por parte da Xunta de Galicia a directora xeral de Urbanismo, María Encarnación Rivas Díaz.

En rolda de réplica a Sra. Fernández Davila (BNG) fai determinadas observacións á resposta da directora xeral aportando nova información e facendo novas preguntas ao respecto.

Péchase o debate desta iniciativa coa intervención da directora xeral de Urbanismo, que dá novas explicacións sobre o tema tratado.

A presidenta agradece a súa intervención e despide á directora xeral de Urbanismo escusando

.../...

[PLG/RMBV]

a súa ausencia da Comisión.

- 1.2            849 (12/POC-000100)  
                 Grupo Parlamentario Popular de Galicia  
                 Núñez López, María Victoria e 8 máis  
                 Sobre a contía do investimento realizado polo Goberno galego para adquirir e  
                 rehabilitar inmobles en Ourense no marco do programa Rexurbe  
                 *Publicación da iniciativa, BOPG n.º 11f2, do 15.04.2024*

A Presidencia concédelle a palabra ao Sr. Marnotes Fernández (P), autorizado para a defensa desta pregunta polos seus autores no documento número 5416, quen procede á formulación concreta das cuestións que figuran na iniciativa.

Para a súa resposta intervén por parte da Xunta de Galicia o secretario xeral de Vivenda e Urbanismo, Heriberto García Porto, que responde ás cuestións obxecto desta iniciativa.

En rolda de réplica ten a palabra o Sr. Marnotes Fernández (P), que agradece as explicacións do secretario xeral de Vivenda e Urbanismo.

Péchase o debate desta iniciativa cunha nova intervención do Sr. García Porto que completa a información dada na intervención anterior.

- 1.4            3944 (12/POC-000584)  
                 Grupo Parlamentario dos Socialistas de Galicia  
                 Castro Rey, Paloma e 2 máis  
                 Sobre as previsións que ten a Xunta de Galicia respecto do proxecto piloto  
                 encargado a Tragsa para determinar o grao de contaminación por lindano no  
                 concello do Porriño e as consecuentes medidas de reversión que requiran as augas  
                 e os solos afectados  
                 *Publicación da iniciativa, BOPG n.º 28f2, do 22.05.2024*

A Presidencia concédelle a palabra á Sra. Castro Rey (S), que procede á formulación concreta das cuestións que figuran na iniciativa.

Para a súa resposta intervén por parte da Xunta de Galicia o director xeral de Calidade Ambiental e Sostibilidade, Ramón Martínez Boga, que responde ás cuestións desta iniciativa.

En rolda de réplica ten a palabra a Sra. Castro Rey (S) que aclara puntos da súa intervención anterior e formula novas preguntas.

Péchase o debate desta iniciativa cunha nova intervención do director xeral de Calidade Ambiental e Sostibilidade.

A presidenta agradece a presenza do director xeral e escusa a súa ausencia da comisión.

[PLG/RMBV]

- 1.5            4699 (12/POC-000666)  
                 Grupo Parlamentario Popular de Galicia  
                 Trenor López, Gonzalo e 8 máis  
                 Sobre o balance do traballo realizado polo Laboratorio de Medio Ambiente de  
                 Galicia  
                 *Publicación da iniciativa, BOPG n.º 31f4, do 29.05.2024*

A Presidencia concédelle a palabra ao Sr. Trenor López (P), que procede á formulación concreta das cuestións que figuran na iniciativa.

Para a súa resposta intervén por parte da Xunta de Galicia a directora xeral de Enerxías Renovables e Cambio Climático, Paula Uría Traba, que procede a dar resposta ás preguntas formuladas.

Na rolda de réplica o Sr. Trenor López formula novas pregunta e solicita aclaracións do respostado na intervención anterior.

Péchase o debate desta iniciativa cunha nova intervención da Sra. Uría Traba que responde ás novas preguntas formuladas e aclara as dúbidas xurdidas.

A presidenta agradece a presenza da directora xeral e escusa a súa ausencia da comisión.

Dá paso ao punto segundo da orde do día.

## **Punto 2.    Propositions non de lei**

- 2.1            1846 (12/PNC-000224)  
                 Grupo Parlamentario do Bloque Nacionalista Galego  
                 Pérez Fernández, Rosana e 2 máis  
                 Sobre as actuacións que debe levar a cabo o Goberno galego para afrontar os danos  
                 ambientais derivados da actividade da mina de San Fins, en Lousame  
                 *Publicación da iniciativa, BOPG n.º 16f2, do 24.04.2024*

A presidenta comunica a presentación dunha emenda de substitución do Grupo Parlamentario Popular de Galicia (documento número 5447) e, a seguir, concédelle a palabra á Sra. Pérez Fernández (BNG), quen -previo abandono do seu posto na Mesa (artigo 82 do Regulamento do Parlamento de Galicia)- procede á formulación e defensa desta proposición non de lei.

Aberta a rolda de grupos parlamentarios para fixar o seu posicionamento intervén polo grupo parlamentario emendante o Sr. Trenor López (P), que motiva a presentación da emenda, e polo grupo parlamentario non emendante á Sra. Castro Rey (S), que se posiciona a favor desta proposición.

Péchase o debate desta iniciativa pola Sra. Pérez Fernández (BNG) quen posibilita unha transacción.

[PLG/RMBV]

- 2.2 3833 (12/PNC-000476)  
Grupo Parlamentario do Bloque Nacionalista Galego  
Pérez López, José Daniel e Bará Torres, Xosé Luís  
Sobre as actuacións que debe levar a cabo o Goberno galego no que concirne ao proxecto de construción da primeira fase da variante da circunvalación de Carballo  
*Publicación da iniciativa, BOPG n.º 28f1, do 22.05.2024*

A presidenta comunica a presentación dunha emenda de substitución do Grupo Parlamentario Popular de Galicia (documento número 5448).

A seguir, concédelle a palabra ao Sr. Pérez López (BNG), que pasa a dar conta das razóns que levaron a seu grupo á presentación desta proposta expresándose en termos semellantes aos que aparecen publicados no Boletín Oficial do Parlamento.

Aberta a rolda de grupos parlamentarios, intervén en primeiro lugar polo grupo parlamentario emendante o Sr. Lorenzo Gómez (P), que defende a emenda presentada. A continuación, polo grupo parlamentario non emendante intervén a Sra. Iglesias Rey (S), que se posiciona a favor desta proposta.

Por último o Sr. Pérez López (BNG) fai uso da rolda de puntualizacións para agradecer o apoio anunciado polo grupo da oposición, logo de comunicar que non a acepta a emenda do grupo parlamentario Popular de Galicia e amosar a súa discrepancia cos seus argumentos.

Rematado o debate, a Presidencia procede á votación das proposicións non de lei que conforman este punto da orde do día, pola orde na que figuran na convocatoria:

- 2.1 1846 (12/PNC-000224), do Grupo Parlamentario do Bloque Nacionalista Galego, sométese a votación o texto transaccionado, nos termos que coñecen os membros da Comisión, polo que se obvia a súa lectura, que é aprobado pola unanimidade dos 16 deputados e deputadas presentes con dereito a voto.

O texto aprobado é o seguinte:

«O Parlamento de Galicia insta a Xunta de Galicia a:

1. Continuar, tras a revogación da autorización de vertedura, coa tramitación do expediente de caducidade en relación coas concesións de explotación que forman o coñecido como Grupo Mineiro San Finx, no concello de Lousame (A Coruña) dun xeito rigoroso e garantista a fin de protexer os intereses xerais e da Administración
2. Requirir a empresa concesionaria para que execute o proxecto de restauración do dominio público hidráulico, incluíndo a retirada dos residuos mineiros acumulados nas dúas presas e a restauración ambiental do leito degradado e da contorna das instalacións mineiras, unha vez cumpridos con todos os trámites previstos legalmente, nomeadamente o procedemento de avaliación de impacto ambiental a que está sometido o proxecto.

[PLG/RMBV]

3. Proceder á execución do aval depositado polo titular da explotación no caso de que non cumpra co requirido e acometer, con cargo a ese aval, as medidas de execución subsidiaria que sexan precisas para manter a explotación en condicións de seguridade, incluída a ambiental.

4. No caso de que non se puidesen acometer todas as actuacións para manter a explotación en condicións de seguridade, incluída a ambiental, e no caso de que o aval depositado polo titular da explotación fose insuficiente, requirirlle á empresa concesionaria os fondos precisos a través de todas as vías das que dispón a Administración.»

2.2 3833 (12/PNC-000476), do Grupo Parlamentario do Bloque Nacionalista Galego. Sometido a votación o texto resolutivo orixinal, resulta rexeitado por:

- Votos a favor.....7  
- Votos en contra.....9  
- Abstencións.....0

Non habendo máis asuntos que tratar, a Presidencia levanta a sesión.

Remata a sesión ás 13:04 horas.

Carmen María Pomar Tojo  
Presidenta da Comisión

Rosana Pérez Fernández  
Secretaria -en funcións- da Comisión